

## Téerëe d'ébpi bíní Peer ra Kúnsëe

Yee daa unna d'ébpi bíní Peer ra. Di bíní wë kerceenni dékú ginni iippi non Aasi. Kerceenna bíní rí yee ra húmú moklu moklo di yee gémú wë Yéésú-Kiristaa Yíkëe në rë (3.14-17). Peer bíní wë unni yee woni wa biti wa ham ngémë híin, wa múñ coono fa daḅ wa ra, nda wa bok ndamee ke dī fi Yéésú na ac fayu ra (5.10). Di wonte wa dëe waḅti man pesi wa bee henluy wa ðëewí nēnīh ðëewí Koope leegi, wa nonute heeda tansu ra (2.9-10 ; 4.2-3).

Di wonte wa :

- yii lenke mújë waayid yen Koope ra (1.8-12),
- yii lenke pesaḅ kerceen filiḅ ðëewë nēnīh ðëewí Koope ra (2.11-17),
- yii lenke coono fa ñee Kiristaa ra (2.21-25),
- yii lenke di waḅti pesuun yaal a ðeleḅi (3.1-7),
- yii lenke ḅaŋi Kiristaa kúl kë (3.18-22),
- yii lenke lof pesaḅ (4.1-6),
- a yii lenke di waḅti pesaa ow a moroomi (4.7-11).

Ḃëyí fí jaŋi téeríi bee Ḃééḅ ay ot biti balaa tígë teem ngém ow ra olu, Ḃëe' ay ñee misik. Di ñee misik dī ham híin ní lúsëenë rëe nék, dī ii rii réecciyëh.

### Wodoha

<sup>1</sup> Koy-yaayyi yeh, ḅon fi ðëewë Koope tanis wa ra, ḅon fi doha-ndéemmë tasaaruu ginna na wonuu Ponto, Galasi, Kapados, Aasi a Bítíní rë, so' mi Peer apootari Yéésú-Kiristaa, daa mi na wodoh ron. <sup>2</sup> Koo Boffa daa tanis ḅon ti di húmú maaña' ri ri faha' nen. Ruuhi tahte ḅon henute ðëewí, nda ḅon ñee yee won Yéésú-Kiristaa ra ndín, ñif mi ḅukut ḅon.

Koope hëpë rën mal, on ðon jaamma !

*Mújë waayíð* yen Koope ra

<sup>3</sup> Yen sím Koope, ði fi boffi Yéésú-Kiristaa Yíkíi yen ! Di naa'i keeñi, ði onte yen pes has bee källé' rí Yéésú búudé rë. Daaha, yen lahute yaakaari mínéh ðúm, <sup>4</sup> yen na sehaaluu iña yefið Koope ðëewí rë. Daa wa iña mínéh yah ra, yee na sísíbéeh rë, yee hena' has faraah ra. Koope yefiðte ron wa ín sun. <sup>5</sup> Di ñeya' gémë gémú ron ra, ði na níið ðon a doolii nda ðon múc, te yii baa ay yúhúu yiin nay ðúmé pesa ra.

<sup>6</sup> Iña yefið ðon Yíkëe yaa ra daa tah keeññon sos. Tígë homuu ðon bee ra kep, wuti coono fi mín ðíi man béeb tah ðon ñee mok yutuud ðaa sah, keeññon sos. <sup>7</sup> Úrís sah na yah, ndaa balaa ow yúh biti ði kah-kah, ði ay ñee kíi. Ti ðaaha nen, ngémën luka' ri úrís lah solo níi, balaa ow yúh biti ði kah-kah, ðon ay ñee misik. Hen ðaa raa, yiin nay nimile Yéésú-Kiristaa ra, ðon ay yeeliyoh kañ, ndam a béyíð. <sup>8</sup> Don fahuute ri te ðon oluy ri, ðon gémúté ðíi na te ðon oluy ri doom. Yii baa daa tah ðon lah sosi keeñi gaani ow yéeh daa teem, <sup>9</sup> ndah ðon homute liili yee na saamu ðon ngémën ðë : daa ri mújí rën.

<sup>10</sup> Merees, yonente ya húmú saamute yúhí yii lenje mújí baa níi saam, te wa húmú léhínúté ðëewë mala nay ron one Koope ra. <sup>11</sup> Ruuhi Kiristaa húmú waa na, teeðpe wa biti ði fi Kiristaa ay ñee coono, te ri lah ndam filoon fi baaha. Yii baa daa tah wa fi yonente ya saam níi saam yúhí wahtaa a ðee nay lahee iñyaa ra. <sup>12</sup> Koope teeðpe yonente ya biti iña na wonu wa ra húmú yullay wa fi yaaha na, wa yulið ðon na. Waariyoh yi Uni Neba komute ron wonni yaa leegi, te wa wonuu ri doolii Ruuh-Peserj fa kola' sun-Koo ra. Malaaka ya sah fahuute yúhí wë níi faha'.

*Koope dëekë' lan*

<sup>13</sup> Don lahute mali na seh ron sun-Koo yiin nay nimile Yéésú-Kiristaa raa kay, kon këlí affon don yeel, don tík yaakaaron béeḅ nē. <sup>14</sup> Nēyí yee naha' Koope ra, ti di na ñeya' koy yee nah ri boffi ra, don yeris iña hómú neba' ron merees na hómú yíih rēn rē. <sup>15</sup> Yii paŋ don béeḅ lah lédí nē ti di lada' Koope fa dëek d'ēn d'ē nen, <sup>16</sup> ndah Koope won filiḅ Téerēe tih : « Héní bēewí ladute, ndah so' mi lante. »☆

<sup>17</sup> Bee don homute daŋ da, don hom wonuu Koope Baap te daa ri na aattiya' ow fi ow béeḅ di iña paŋ di ra, te ri na lúukíréeh ow. Kon yee talluu ron pesa feey fa don haneel na bee ra, pesadon teeḅaa neeha neehu ron ri ra. <sup>18</sup> Don yúhruté affon d'ee tosa' ri ron pesada lahay njiriñ koruu ron caaccon da maan ? Di tosaay ron a yii ay yahe yaho ti tiij héliis mbée úrís nen. <sup>19</sup> Èe-èe' ! Don sēmlúu a ñif mi cēllúuy a dara, ñif mi Kiristaa fa lahay dara yii wonun sun fi ti har fi lahay síkkē nen ra. <sup>20</sup> Koope daa tanis ri, tíkké rí yii baaha balaa ri sak èldúnē, te ri cépídté rí feey fa nda bēewē yúh rí jamanu ya míllē' yee ra, ndah don. <sup>21</sup> Don ñee'uu d'ii na don gémúté Koope fa kélídf d'í búudé, onte ri ndam ra. Ngémēn a yaakaaron, don tíkúu wē Koope na daaha.

<sup>22</sup> Don bukutuute ndah don ñéerúuté a kaaf ka. Yii baa daa tah don faha' koy-yaayyon filiḅ ngémē faha' kah-kah. Kon, fēhēntíi hanndal kon níi fahanta' di keeññon béeḅ. <sup>23</sup> Yúhí biti unni Koope tahte don límēetúté. Ow neh daa límēet d'ēn, ndah ow man tal gañcahi ay húlé húlē nen. Unni Koope nék, man tal gañcahi ii húl nen. Di ee pes da te ay home na faraah. <sup>24</sup> Ndah bíníyúté Téerēe bitih :  
« Ow béeḅ man gaawa nen,

*ndami man capussi gaaw fa meeyya nen :  
gaawa súhë' súhëe,  
capus yooka' yookoo.*

<sup>25</sup> *Unni Yíkëe nék ay home na faraah.* »☆

Te unni yaa daa Uni Neba húmú waariyu ron ra.

## 2

<sup>1</sup> Hém unni Koope tahte ðon límëetúté rëe kay, kon yii hente ðos ðéëð hégíí rí, ðon hegoh fel, paŋ yii bokaay a yee na wonu ron ra, iñaan a won yin ðos sun ow. <sup>2</sup> Di na sesa' baaker ðabi miis mi yaafi daa kah-kah fa ra, sésíi síkírëhí unni Koope ðaaha, ndah daa wa kah-kah fa. Don pesa' na raa, ðon ay ood' te ðon ay múc. <sup>3</sup> Nagajek, bíníyúté Téerëe bitih : « Don ðíkísúuté Yíkëe, ðon olute ðee neða' ri ra ! »☆ Don pesuu yii baa neh a ?

*Tígë yípëh faam fa ra a faam fa*

<sup>4</sup> Èyí Yéésú-Yíkëe në, ði fa daa la'a na pes habuu ðëewë biti lahay njiriñ, ndaa daa ri bee Koope tanis ði otte biti ði la'i lahte njiriñ ra. <sup>5</sup> Don fi yaa ðal nëní tabahi faam fa nay déké Ruuh-Peseŋ ra ti la' yi na pesu nen. Hen ðaa raa, ðon ay hen goomali seeyoh yi jébëlü Koope, ðon yed' ði sarahi neða'te ri di nay ron rii nahee Ruuha, yí ay ñee'ee Yéésú-Kiristaa na. <sup>6</sup> Ndah bíníyúté Téerëe bitih :

« Èlsí !

*Mee yíp la' Siyoŋ ra,  
la'i nay habe faam fa,  
la'i daa mi tanis ði,  
la'i lahte njiriñ,  
ðëyí fí géŋm ðii na,  
fii mëssí sopoh.* »☆

☆ 1:25 1.25 Saame Isayii 40.6-8  
2.6 Saame Isayii 28.16

☆ 2:3 2.3 Saame Kaŋaa ya 34.9

☆ 2:6

<sup>7</sup> Kon ðon fa gémú rë, ðéyri affon sun, ndaa yaha ðëewë gémúy rë rëe, bíníyúté bitih :

« *La'a habuu tabahoh ya biti lahay njiriñ ra, daa millë' ham lasa.* »<sup>☆</sup>

<sup>8</sup> Lahte tígí bíníyúté biti ðal :

« *Di la'i na kabina', la'i gaani na kéendë'.* »<sup>☆</sup>

Don ot ðëewí yaa kabinoh, biti wa kaa'uute ñeyi unni Koope, te nagajek, Koope daa faha' ri ðaaha waa na.

<sup>9</sup> Ndaa ðon, ðon daa heeda tansu ra, seeyoh yi Buura, heeda jébélú Koope ra, ðëewí Koope. Di tanis ðon nda ðon mín waare iñi éemílë' yë pañ ði ra, ði fa dëek ðën, ðúhíðté rën ñúusë kúðté rën niñnee ke ri hen saw ra.

<sup>10</sup> Don húmú ðëewí neh merees, ndaa woteh ðon ðëewí ; naa'i keñ Koope ðon húmú békíh në, ndaa ði tahidte ron ði leegi.

*Pesad* kerceen filið ðëewë nëñih ðëewí Koope ra

<sup>11</sup> Don fa faha' mi ní faha' ra, ðon fa nëñih ðëy ëldúnë fi bee ðon haneel kut waa na ra, mi ðañ ðon biti ðon moytoh faha'i pesi-neba na yuloh yahi nuffon ti mbëri na faha' kéendí moroomi nen ra. <sup>12</sup> Lah pésíi wun leelii ðëewë nëñih ðëewí Koope ra ; ðon hena' ri ðaaha raa wuti wa tík ðon yin ðos, won biti ðon i pagoh ðos raa sah, wa ay ot biti ðon pagu yin wun, wa kañ Koope yiin nay ri waa feeñiyee ra.

<sup>13</sup> Af Yíkëe taha ðon on kélfë yë cér : maanam buur fa daa ílíf ðëy gina ðéëð rë, <sup>14</sup> a gëernëerrë buur wol wa daani pagoh yi ðossa a ðëyí fí pañ yin wun wa gérém rí rë. <sup>15</sup> Nagajek, Koope faha' biti ðon pagun yin wun ðon téy búkkí ðëewë yíh yin ra, yee na wëñih wonad ow ra.

☆ 2:7 2.7 Saame Kañaa ya 118.22 ☆ 2:8 2.8 Saame Isayii 8.14

<sup>16</sup> Koope onte ron ðon lahuute affon. Kon lah pési pesi ðëyí daa laha' afi. Di filib baaha ðéeb nék, baa ðanay tah ðon ðap ðos ðon na. Don súrgë Koope na, kon lah pési ðaaha. <sup>17</sup> Lah ëní ðëewë ðéeb cér, ðon faha' koy-yaayyon filib ngémë, ðon neeh Koope, ðon on buuri gina cér.

*Coono fa ñee Kiristaa ra*

<sup>18</sup> Don fi súrgë yë, lah ñeyí woni ðëewë në légéyíruu ron ra, ðon on wa cér. Wa wun keñ te wa baah, wa sohoor ðéeb, lah ëní wë cér. <sup>19</sup> Ndée nagajek, ðon múñ súfúñ fí waray ðon koon ndah Koope raa, baa yin wun. <sup>20</sup> Don tooñ ní ðon laðaa ðon múñ dí rëe nék, ðon sehu laasi bih na ? Ndaa hena biti ðon pagun yin wun ðon laðaa ðon múñ dí rëe, baa yii wunte íllí Koope. <sup>21</sup> Koope ðëekë' ðën baaha, ndah Kiristaa ñeete coono af ðon, nda ðon yíid yee pañ ri baa ra, ðon ñee kotti. <sup>22</sup> Di mësëy bakaad, fel mësëy d'úh ðúgë.☆ <sup>23</sup> Soluu ri bín fë rë, dí yíllëey ; mokluu ri ra, dí gapaay yíllëh. Di yerisse ðéeb ya' Koope fa aattiya'i júðpé rë. <sup>24</sup> Homa' ri sun fi kurwaha\* ra, dí a faanañ fi séféhté bakaadfi yen, nda yen bíse' a bakaad yen pes pesi júðpé. Gaañ-gaañni Kiristaa daa pay yen. <sup>25</sup> Don húmú madu harri múuyú múuyë nen, ndaa ðon nimilirute níirëhéé ké ron na tooppitoh ron ra.

### 3

*Di wadti pesuun ðebeb a yaali*

<sup>1</sup> Don fi ðebebba ðal, ëní yaallon cér ! Hen ðaa wa ot ðon pagee ri ðaaha raa, wuti ðeef wa gémúy unni Koope merees raa, yii baa ay tah wa ay gém te ðon ii waa won

---

☆ 2:22 2.22 Saame Isayii 53.9 \* 2:24 2.24 kurwah :Di gerek, bíníyú ðeh : kilik. Téerëe won tih : ðëyí fí yérké biti na hawu ri húl rë keru sun kilik, ðëyí baa alkohte. Saame Nérsí Kootaa 21.22-23.

dara : <sup>2</sup> wa ot tílédën lan a dfee koruu ron ní koroh raa rek, wocce ! <sup>3</sup> Ngënë mēkí wunaaloh ddon múukée garan, ddon pokee takkaayyi úríssën, ddon bekee búubbí píisē kofeelte. <sup>4</sup> Wunon kay homa filiḅ keeññon, ddon teey ddon sos. Wuni baa homa' na faraah. Baa daa yee lah solo íllí Koope ra. <sup>5</sup> Belebba húmú gémú filoon tíkuté yaakaari wa ya' Koope ra, húmú teeḅuu wuni wa ddaaha. Wa húmú onute yaalli wa cér, <sup>6</sup> ti di húmú ona' Saara Abraham cér, na ddeekē' rí nijaay ra nen. Don ay hen koyyi Saara biti ddon page yin wun te ddon néehíh ně dara.

<sup>7</sup> Don fi yaalla nék, lah kúrí belebbon ddon homa' wun, ddon yúh biti ddoni wa maduy. Ēní wē cér, ndah pesa na dđuméh nay ron one Koope ra, wadte wa bal. Héní rí ddaaha nda Koope banti kaa' dđarñon.

*Ow neḅpi paga wun*

<sup>8</sup> Kon sēyí nuf yínē, ddon bok keeñ ; fēhēntí filiḅ fon ti i koy-yaay nen ddon naa'anta' keeñ, ddon cépíd' affon fíi moroommon. <sup>9</sup> Bēyí pañ ddon yin ḅos mbée sol ron, ngēnē yíllí. Don kay, lah dđégírí rí biti Koope barkel ri, ndah Koope ddeekē' rēn baaha. Hen ddaa raa, Koope barkel ron.

<sup>10</sup> Ndée bíníyúté Téerēe bitih :

*« Bēyí fí faha' lah keeñi sosse,  
lah jaamma pesi,  
wadtee moytoh won ḅos,  
fel banti dđuh búgē.*

<sup>11</sup> Bēyí baa wadtee hegoḅ ḅos.

*Di wadti paga yin wun,  
wadti dékēe saam jaamma.*

<sup>12</sup> Íllí Yíkēe yípēh sun fi ḅēewē júbú rē,  
dđi kúníssé nufi na síkírēh dđarñi wa ;  
Yíkēe bota' ḅēewē na pagu ḅos dđa botoo. » ☆

<sup>13</sup> Daa nay ron page yin bos biti dɔn saamuun paŋ wun kep ? <sup>14</sup> Wuti dɔn ñee mok koon ndah biti dɔn pagu yii júb pé rée sah, dɔn ay lah sos-keñ. Ngënë néehí ðéewí kayya, ngënë sídíi yin. <sup>15</sup> Don kay, ðékí affon biti kep Kiristaa daa Yíkëen. Cégíi faraah dɔn mín lof ðeyí meel dɔn yee tah dɔn tík yaakaaron Yíkëe në rë. <sup>16</sup> Don yahti rii lof raa nék, lah pégíi rí a teey, dɔn on ði cér. Lah sèyíi nufi lante, nda ðéewë na yahu tii yon af pesadi wunon Kiristaa na ra sopoh wonni wa. <sup>17</sup> Ow mokluun paŋ yin wun, te ðeefa Koope fahaa ri ðaaha raa, daa gén biti ði mokluun paŋ yin bos.

### *Bayi Kiristaa kúl kë*

<sup>18</sup> Di fi Kiristaa, af bakaadɔfi yen tahte di ñeete mok, te mogi baa ri moka' waal yínë, teempe waali yíní baaha faw ; di fa júb ðë tahte húl ndah yen fa júbúy rë nda ri kúɔ yen Koope na. Faana daa hawu húl, ndaa Ruuh-Peserj kélíɔté rí, di na pes. <sup>19</sup> Doolii Ruuhi baa nék daa tah di pay waare coonaa ya húmú kasu ra. <sup>20</sup> Daa wa ðéewë húmú ñéerúuy a Koope jamanaa na húmú yugusa' Nowe gaala ra, te ðeef di fi Koope múñélté wë, na seh. Bëewë húmú múcú mulii mbënë më rë húmú caakuy, wa húmú ow peeye daa haalu gaala. <sup>21</sup> Baa daa maanam bëtsée ké yen woteh ; mulii bëtsí baa wonay biti hosse sísíɔ fë faanni yen dé', iti fi bëtsë daa ri biti yen pokoh Koope na a nufi lante\*. Bëtsë múcël yen múcëlë ndah kolohi Yéesú-Kiristaa ðúudé, <sup>22</sup> di fa saañ sun-Koo tookke hëbís Koope, hompe ya'i ñamaa fi ra. Malaaka ya, mbínéeffí lahu un a yii lahte doole sun ðéeeɔ onute ri cér.

---

\* 3:21 3:21 iti fi bëtsë daa ri biti yen pokoh Koope na a nufi lante :Lahte ðéewí habuu ri ðeh : iti fi bëtsí baa daa ri biti yen ðaŋ Koope di on yen nufi lante.



## 4

*Lof pesaɗ*

<sup>1</sup> Koy-yaayi yeh, hém faan Kiristaa daa ñee coono raa, tëhí ñee coono ti Kiristaa nen ; ndah bëyí faana híssí ñee coono, woca'te a bakaad. <sup>2</sup> Kon tígè homuu ñon bee ra kep, yee talluu ron peson ɗa waɗti hena yee faha' Koope ra ndaa fah pes-neɓ neh. <sup>3</sup> Pesee ke ron filoon ɓéeɓ, na húmú dékúu ñon paɗ yii neɓa' ɓëewë nënín ɓëewí Koope ra doyte ñon na leegi : ñon húmú pesuu pagaɗ ɓos a fah pes-neɓ, mani, mbumbaay ní ñon ɗúmëlúté mbumbaay. Ɗon na yúulúu ala ɓal, pagadi sèpírè'í bah. <sup>4</sup> Woteh fee Koo bee nék, ɓëewë nënín ɓëewí Koope ra éémúté di yee wocuu ron a wa di pesadi ɓosi misigi baa ra, wa na solu ron. <sup>5</sup> Ndaa wani Koope fa caɗ aattiya'i ɓëewë na pesu a yee húlú rë ay naa teeya'. <sup>6</sup> Yii baa daa tah Uni Neba waariyu sah ɓëewë húlú rë. Wa aattiyuu iña pagu wa bee na húmú pesuu wa feey ra naam ti ɓëewë ɓéeɓ nen, ndaa af Ruuha tahte wa pesuu ti di na pesa' Koope nen.

*Di waɗti pesaa ow a moroomi*

<sup>7</sup> Èldúnë ɗúmpé ní wocce. Kon téeyí ñon yeel, nda ñon mín ɗaɗ Koope. <sup>8</sup> Yee lukki lah solo ra ɓéeɓ nék, daa ri biti ñon fahanta' hanndal kon di keeññon, ndah faha' ow daa na múur bakaad caak. <sup>9</sup> Kúnsírèntíi íllí faammon, ɓanti ñéerè' a capito. <sup>10</sup> Ow fi ow ñon na ɓéeɓ, habraa moroomi di yee on ñon Koope ra. Hen ɗaaha raa, ɗeef iñi bokuuy ya on ñon Koope ra ɓéeɓ, ñon kúrúte wë kúrí wunte. <sup>11</sup> Bëyí fí yúhté biti ay wone wono, ɓeka woni baa waarii unni Koope ; ɓëyí ay habree ow, pagaa ri a mín-mínë déjéén ɗí Koope ra. Hen ɗaaha raa, ɓëewë ñeya' Yéésú-Kiristaa na kañ Koope di iña ɓéeɓ, ɗí fa laha' ndam a doole dee ní kiri fi kiri ra ! Ɗémíin !

*Ow ne*ŋpi ñeya coono fi Kiristaa

<sup>12</sup> Don fa faha' mi ní faha' ra, coono fi misiga homuu ron ra ŋanay tah affon kúněh ní don won biti yii baa waray don kat. <sup>13</sup> Keeññon kay waŋti sosa soso biti don bok a Kiristaa coono. Hen ɗaa raa, yiin nay rii teebe ɓëewë ɓéeɓ ndami ra, keeññon sos ní sos. <sup>14</sup> Af Kiristaa tah don solu raa, don lahute sos-keeñ ndah Ruuhi Koope, ɗi fi Ruuha lah ndam ra ee don na. <sup>15</sup> Coono fon ŋanay ñeya' biti don hawun ow húl, mbée biti don lohun loho, don pagun yin ɓos, mbée don haalun yii waal fon íníh në. <sup>16</sup> Ndaa hena henu ron kerceen ra daa taha don hom coono raa, ngënë sèpíi në ; don warun naa kañ Koope kaño di yee nonuu ron Kiristaa na ra.

<sup>17</sup> Wahtaa nay dale aattiya'a ra lahte, te ay ɗéɓúu yen fi ɓëy Faam Koope na. Daluun yen na raa nék, lah ɓëewë yéŋké biti gé múy Uni Nebi Koope raa, ay made ɗíh waa na ? <sup>18</sup> Ndah bíníyúté Téerée bitih :

« *Hém mújí ɓëe' júɓ ɗë*  
*daa misik raa,*  
*lah bakaaroha na,*  
*ɗi fa kaañ Koope ra raa,*  
*ay made ɗíh ? »*✧

<sup>19</sup> Kon, ɓëewë Koope daa faha' biti wa ñee coono ra, pagun wun rek saye, wa tík pesi wa ya' Koope fa daa sak wa ra, ɗi fa yii won ɗi ɓéeɓ ɗi paŋ ri ra.

## 5

*Njíítí jaŋaa*

<sup>1</sup> Bëewë homu filiɓ fon te wa i njíit jaŋi ra, so' mi won don na, so' fa njíit jaŋi ti don nen ra. So' mi tíkké íllí sè' coono fi Kiristaa ngëey te may non ndamee ke ri nay

✧ 4:18 4.18 Saame Léeh yë 11.31

teeβuu ra. So' mi won don tee : <sup>2</sup> tēppítíi yuba déjéen d'en Koope ra. Yéelí nē, don ban d'ii paga' bití don túuyú rí túuyē, pēgí rí don núhē' rí keeññon, d'ee faha' ri Koope ra. Ngēnē pēgí rí bití don ay naa saame alal, pēgí rí a sawoor. <sup>3</sup> Ngēnē mēklí βēewē déjéenu don d'a. 'Don kay, wa waɗti yíirún don na ! <sup>4</sup> Hen d'aa raa, yiin nay nimile kélfií níirēh yē rē, don βeku baane-ndam, bi ay hene has faraah.

*Ow neβpi* cépírē afi cépírē, ham ngémē

<sup>5</sup> Don fi tunjka nék, lah éní βēewē βahayu ron ra cér. Don βéeb nék, cépírí affon hanndal kon, ndah bíníyúté Téerēe bitih : « *Koope ñéerēey a βēewē* na gaan-gaanluu ra, d'i ona' βēewē cépírú affi wa ra mal. »<sup>☆</sup> <sup>6</sup> Kon, cépírí affon fii Koope fi Sērndējē, nda wahtaa lah raa, d'i βéyíɗ don. <sup>7</sup> Héli ina na sídúu don d'a βéeb ya'i, daa ri na tooppitoh don.

<sup>8</sup> Téeyí don yeel ! Seytaane, kaa'ohon ee yídēelēh rē, man gaynde fi na híigēh, na βoorsoh βēyí ñama ri nen. <sup>9</sup> Hēbí ngémē híin don haa' a d'i fi Seytaane, don yúh bití koy-yaayyon filiβ ngémē homu feey fa ra βéeb ñeyuu coono d'aaha. <sup>10</sup> Don lísúu hom coono kaah, ndaa Koope fa na ona' βéeb rē dēekké don don haal ndamee ke ri na d'úmēh rē, af bití don nonu Yéésú-Kiristaa na. Tasse yutuud d'i ay ron βaatti yugus, habra' ron, on don doole, tík don don caga' a kotti híinté. <sup>11</sup> Koope laha doole dee níi kiri fi kirih ! 'Démíin !

*Takoha*

<sup>12</sup> Silaas\* fa haba' mi koy-yaafi pokohte Kiristaa na ra daa habra' so' bíníi don koy unni yeh. 'Bedda'i ron a woni ron bití mali Koope kaah te don ham na híin, daa tah mi

☆ 5:5 5.5 Saame Léeh yē 3.34 \* 5:12 5.12 Silaas :Di gerek bíníyú d'eh : Silwee. Daa ri tii yíníi Silaas.

bíní ron unni yeh. <sup>13</sup> Bëy Babilonna<sup>†</sup> dee nonu jaŋaa ra, yee Koope tanis wa ti di tansa' ri ron nen ra, a Marka fa haba' mi koy kah-kah soo na ra na woduu ron. <sup>14</sup> Wëdëntíi hanndal kon ní wodanta'<sup>‡</sup>.

Koope ona ron fa nonu Kiristaa na ra ðéeð jaamma !

---

<sup>†</sup> 5:13 5.13 Babilon :Rom daa na léehúu ðah. <sup>‡</sup> 5:14 5.14 Di ðaahi ðëewí yaaha, wa yahti wodoh ðëewë mboko yi wa mbée ðëewë meeru wa raa, wa fëenúu wë fëenëe.

Séréel Ndút: Unni Koope

Ndut: Séréel Ndút: Unni Koope (New Testament+)

copyright © 2020 Wycliffe Bible Translators, Inc.

Language: (Ndut)

Contributor: Wycliffe Bible Translators, Inc.

All rights reserved.

2020-11-19

---

PDF generated using Haiola and XeLaTeX on 14 Jun 2022 from source files dated 13 Jun 2022

a3a1238b-9393-5875-a4c5-1d3f38537bfe